


KANTONALNO TUŽITELJSTVO ZENIČKO-DOBOJSKOG KANTONA

GODIŠNJI IZVJEŠTAJ O RADU ZA 2014. GODINU




MASARYKOVA BR. 37, 72000 ZENICA

FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO- TUŽITELJSTVO
ZENIČKO-DOBOJSKOG KANTONA

Broj: A-I-1/2015

GODIŠNJI IZVJEŠTAJ O RADU
KANTONALNOG TUŽITELJSTVA ZENIČKO-DOBOJSKOG KANTONA
ZA 2014. GODINU



Zenica, 30. januar 2015. godine

Sadržaj Izvještaja

I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA	4
II - OSTVARENJE NORME.....	8
III – OSTVARENI KVALITET RADA TUŽITELJSTVA.....	9
IV – AKTIVNOSTI I RAD TUŽITELJSTVA.....	10
IV-1 Prijave.....	10
IV-2 Istrage.....	14
IV-3 Optuženja.....	15
IV-4 Sporazumi.....	16
IV-5 Pritužbe.....	16
IV-6 Sudske odluke.....	17
V – MALOLJETNIČKI KRIMINAL.....	18
VI - PREDMETI KTA	20
VII – PREDMETI KTN - NEPOZNATI POČINIOCI.....	20
VIII - OBUSTAVLJENI POSTUPCI ZBOG ZASTARJELOSTI GONJENJA	21
IX – PRESUDE DONESENE OD STRANE SUDOVA	22
X - AKTIVNOSTI PO PREDMETIMA IZ OBLASTI RATNIH ZLOČINA.....	23
XI - AKTIVNOSTI PO PREDMETIMA PRIVREDNOG KRIMINALA	24
XII - AKTIVNOSTI NA RJEŠAVANJU PREDMETA IZ RANIJIH GODINA.....	26
XIII - R E Z I M E	28
XIV - PLANIRANE AKTIVNOSTI ZA NAREDNU GODINU	30

I - UNUTRAŠNJA ORGANIZACIJA I KADROVSKA OSPOSOBLJENOST TUŽITELJSTVA

Kantonalno tužilaštvo-tužiteljstvo Zeničko-dobojskog kantona (u daljem tekstu: Tužiteljstvo) uspostavljeno je Odlukom Visokog sudbenog i tužiteljskog vijeća Bosne i Hercegovine na sjednici održanoj 28.01.2004. godine, i kao samostalan i nezavisan državni organ ima osnovni zadatak na otkrivanju i gonjenju učinitelja krivičnih djela, kao i da vrši i druge Zakonom određene poslove. Poslove iz svoje nadležnosti Tužiteljstvo obavlja sa tužiteljima, državnim službenicima i namještenicima.

Osnovna funkcija Tužiteljstva, kao državnog tijela, je da preduzima Zakonom određene radnje u cilju otkrivanja i gonjenja učinitelja krivičnih djela, da preduzima Zakonom određene mjere za zaštitu interesa zajednice, zaštite ljudskih prava i sloboda, da vrši i druge poslove određene Zakonom o Kantonalnom tužilaštvu-tužiteljstvu Zeničko-dobojskog kantona.

Tužiteljstvo svoja ovlaštenja obavlja na osnovu Ustava i Zakona, Međunarodnih ugovora koji su ratificirani i dio su pravnog sistema BiH, kao i drugih propisa koji su doneseni u skladu sa Zakonima.

U vršenju svoje nadležnosti Tužiteljstvo poduzima sve potrebne mjere i radnje na zaštiti ljudskih prava i sloboda utvrđenih u Ustavu BiH, Ustavu FBiH i Ustavu Zeničko-dobojskog kantona, kao i osnovnih ljudskih prava sadržanih u Evropskoj konvenciji o ljudskim pravima. U skladu sa gore navedenim odredbama Kantonalno tužiteljstvo je ostvarivalo saradnju sa predstavnicima nevladinih organizacija koje se bave pitanjima istraživanja i zaštite ljudskih prava i sloboda.

U obavljanju poslova i zadataka koji proizilaze iz Zakona o krivičnom postupku, Tužiteljstvo je osiguralo brzo i efikasno provođenje krivičnog postupka, kako bi se osiguralo da se na zakonit i efikasan način donose tužiteljski akti, kako u toku istrage tako i u daljim fazama postupka, koliko su to dozvoljavale objektivne okolnosti u kojima djeluje ovo Tužiteljstvo.

Tužiteljstvo je tokom 2014. godine, posebnu pažnju posvetilo:

- Zakonitom vršenju poslova i zadataka,
- Provođenju Strategije o procesuiranju predmeta ratnih zločina,
- Provođenju Strategije o procesuiranju krivičnih djela organizovanog kriminala i korupcije i krivičnih djela privrednog kriminala,
- Bržem i efikasnijem radu na predmetima iz ranijih godina,
- Razvijanju saradnje sa ovlašćenim službenim licima,
- Jačanju materijalno-tehničkih kapaciteta Tužiteljstva,
- Stručnom usavršavanju nosilaca tužiteljske funkcije i namještenika Tužiteljstva,
- Kvalitetnom obavljanju uviđaja,
- Blagovremeno i objektivno izvještavanje javnosti o aktivnostima Tužiteljstva
- Ažurno i aktivno preduzimanje aktivnosti iz Matrice evropskih standarda,
- Poduzimanju potrebnih aktivnosti u vezi realizacije Projekta praćenja vremenskih rokova za postupanje u predmetima.

U ovom Tužiteljstvu, od osnivanja do danas, rad je organiziran kroz dva Odjela i to: Odjel I (Odjel za privredni kriminal i ratne zločine) i Odjel II (Odjel za opšti kriminal, saobraćaj, krvne i seksualne delikte, droga i maloljetnički referat).

Odjel I čine dva odsjeka: (1) Odsjek za ratne zločine, u okviru kojeg su postupala tri tužitelja, koji su po potrebi i mogućnostima, prije svega uvjetovano primarnim radom na predmetima RZ, zaduživani i nekim manje složenim predmetima općeg kriminala i (2) Odsjek za privredni kriminal i koruptivna krivična djela, gdje je postupalo deset tužitelja, koji su pored krivičnih djela privrednog kriminala postupali i po prijavama za krivična djela općeg kriminala.

Odjel II čine dva Odsjeka: (1) Odsjek za imovinske delikte, saobraćaj, maloljetnički referat i dr., u kojem je trebalo da postupa šest tužitelja, od kojih je jedan bio na dužem bolovanju i (2) Odsjek za krvne i seksualne delikte i drogu i dr., u kojem je trebalo da postupa pet tužitelja, ali je cijelu izvještajnu godinu jedan tužitelj bio spriječen za rad zbog bolesti, a drugi tužitelj je bio pod privremenom suspenzijom.

Odjelima rukovode zamjenici Glavnog tužitelja, a Odsjecima šefovi Odsjeka.

Ovo Tužiteljstvo postupa pred šest Općinskih sudova i Kantonalnim sudom. Jedan Općinski sud i Kantonalni sud, su smješteni u sjedištu Tužiteljstva, u Zenici, dok se ostalih pet Općinskih sudova, kao i odjeljenje Općinskog suda Zavidovići u Maglaju, nalaze van Zenice i to na relaciji do Tešnja (udaljenost oko 100 km od Zenice) do Visokog (udaljenost oko 60 km od Zenice). Svaki od ovih sudova ima po najmanje dvojicu sudija krivičara, koji uglavnom ročišta i pretrese zakazuju u isto vrijeme, pa svaki dan iz Zenice putuje trećina radno aktivnih tužitelja, radi urednog postupanja pred sudovima.

Sve navedeno ukazuje na prijeku potrebu osnivanja odjeljenja ovog Tužiteljstva van sjedišta Tužiteljstva, što do danas nemamo, a što je predviđeno prema novom Zakonu o tužiteljstvima u Federaciji Bosne i Hercegovine (koji još nije usvojen). Predviđeno je da odjeljenje bude u Visokom, što je vjerovatno, u vrijeme rada radne grupe bilo optimalno rješenje. Međutim, kako je prošlo prilično vremena, te su se izmijenile okolnosti pod kojima je isto predloženo, po novoj i realnoj procjeni najbolje i najefektnije bi bilo osnovati odjeljenje za općine: Žepče, Zavidovići, Maglaj, Tešanj i dr. Ove procjene smatramo opravdanim iz više razloga, a prije svega slijedećim činjenicama: Tužiteljstvo na relaciji prema Tešnju postupa pred četiri suda, pred tim sudovima je veći broj predmeta u zadnje tri godine, znatno je veća udaljenost Tešnja u odnosu na Visoko, od Zenice, lošije su saobraćajnice prema Tešnju, te činjenica okončanja izgradnje auto puta kojim se lakše i bezbjednije putuje do Visokog. Za ovom potrebom Tužiteljstva, u više navrata je obavještavan VSTV, ali je očigledno da se čeka usvajanje Zakona o tužiteljstvima u Federaciji Bosne i Hercegovine, kojim je predviđeno odjeljenje ovog Tužiteljstva van sjedišta Tužiteljstva.

Analizom zadatih zadataka, Planom i programom rada Tužiteljstva za 2014. godinu i Planova i programa Odjela za ratni zločin i privredni kriminal i Odjela za opći kriminal, može se reći da smo uspješno realizovali zadato, koliko su nam to dozvoljavale objektivne okolnosti u kojima smo postupali tokom 2014. godine, a što se prije svega odnosi na kadrovsku nepopunjenost glede tužitelja, državnih službenika i namještenika, neadekvatan radni prostor, svakodnevnu organizaciju posla (postupanje tužitelja pred pet Općinskih sudova van sjedišta Tužiteljstva), što je sve prepoznato kao nedostatak kroz urađeni Elaborat VSTV-a i odluke VSTV-a o povećanju broja potrebnih tužitelja i usvojenim Pravilnikom o unutrašnjoj organizaciji i poslovanju Tužiteljstva, kojim je povećan broj državnih službenika i namještenika, pa možemo biti izuzetno zadovoljni postignutim rezultatima, posebno cijeneći rad na rješavanju predmeta ratnog zločina, privrednog kriminala i neriješenih predmeta iz ranijih godina.

Tužiteljstvo je, prema Odluci VSTV-a, tokom 2014. godine, trebalo da ima 33 tužitelja na radu, zajedno sa Glavnim tužiteljem, što nije bilo moguće realizovati, tako da je tokom 2014. godine bilo radno angažovano 27 tužitelja, a efektivno, tokom cijelog izvještajnog perioda, radio je 21 tužitelj, uračunavajući zajedno i Glavnog tužitelja, koji ne radi na predmetima (sukladno članku 14. Pravilnika o orijentacionim mjerilima za rad tužitelja u Tužiteljstvima BiH), osim na svim predmetima po uložnim pritužbama na negativne odluke tužitelja. Od 27 radno angažovanih tužitelja tokom izvještajnog perioda: 1 tužitelj je bio pod privremenom suspenzijom, 2 tužitelja su bila na bolovanju tokom cijelog izvještajnog perioda, 1 tužiteljica je napustila Tužiteljstvo početkom 2014. godine i 4 nova tužitelja su imenovana sredinom izvještajne godine. Dakle, stvarni broj tužitelja koji su efektivno radili na predmetima je 21 tužitelj, umjesto potrebnih 33 tužitelja.

Pravilnikom o unutrašnjoj organizaciji i poslovanju je predviđeno da se za potrebe ovog Tužiteljstva radno angažuje 12 stručnih suradnika, odnosno njih 8 na poziciji pomoćnika tužitelja, od čega su do sada radno angažovana 3 stručna suradnika-pomoćnika tužitelja.

Budžetom za 2014. godinu nisu bila obezbjeđena sredstva za upošljavanje novih tužitelja, prema odluci VSTV-a, s tim da su kako smo već naveli, imenovana četiri nova tužitelja, čijim su imenovanjima samo popunjena mjesta koja su u toku godine ostala upražnjena, tako da je tužiteljstvo i dalje ostalo na broju od 27 tužitelja.

Tokom 2014. godine, uposlena su dodatna dva stručna suradnika na poziciji stručnog suradnika-pomoćnika tužitelja i stručnog suradnika za podršku svjedocima-psihologa, koji su sa radom počeli u martu mjesecu 2014. godine, s tim da su dva stručna suradnika na poziciji stručnog suradnika-pomoćnika tužitelja i stručnog suradnika-portparola imenovana na pozicije tužitelja, tako da su i ta dva mjesta polovicom 2014. godine ostala upražnjena. Zapošljavanjem psihologa omogućeno je da se i od strane Tužiteljstva pruži adekvatna podrška svjedocima i žrtvama, naročito u predmetima ratnog zločina, kao i u predmetima u kojima se pojavljuju maloljetnici, a posebno imajući u vidu da u 2015. godini započinje primjena novog Zakona o zaštiti i postupanju sa djecom i maloljetnicima u krivičnom postupku, koji predviđa značajniju i intenzivniju ulogu psihologa u krivičnom postupku, a što će biti i od velike koristi i pomoći tužiteljima.

U junu mjesecu 2014. godine produžen je Ugovor sa dva stručna suradnika za rad na predmetima ratnih zločina, te je zaposlen i jedan daktilograf, a koji se finansiraju iz odobrenih IPA fondova.

Dakle, ovom Tužiteljstvu tokom rada u 2014. godine nedostajao je angažman 5 potrebnih stručnih suradnika-pomoćnika tužitelja.

U okviru organizacione strukture ovog Tužiteljstva je i Ured Sekretara koji pored Sekretara uključuje i stručnog saradnika za odnose s javnošću (koja je pozicija trenutno upražnjena i očekuje se njeno popunjavanje početkom 2015. godine), kao i stručnog savjetnika za poslove uprave (ista pozicija je takođe upražnjena), te 39 namještenika, što je nedovoljno prema potrebama ovog Tužiteljstva (obzirom da je sistematizacijom predviđeno 57 namještenika), a što proizilazi iz objektivno utvrđenih potreba Elaboratom VSTV-a, prema kome je neophodno prioritetno uposliti još šest tužitelja, devet državnih službenika i osamnaest namještenika.

Dakle, kao i u ranijim periodima, i u ovom izvještajnom periodu, su bili zastupljeni kadrovski problemi, prije svega zbog nepopunjenosti kako je predviđeno Pravilnikom i odlukama VSTV-a. U nastavku slijedi tabelarni prikaz predviđenih i popunjenih radnih mjesta po pojedinim pozicijama unutar organizacione strukture Kantonalnog tužiteljstva Zeničko-dobojskog kantona:

POZICIJA	BROJ PREDVIĐENIH RADNIH MJESTA	BROJ POPUNJENIH RADNIH MJESTA	BROJ NEPOPUNJENIH RADNIH MJESTA
TUŽITELJ	33	27	6
DRŽAVNI SLUŽBENIK	14	5	9
NAMJEŠTENIK	57	39	18
UKUPNO	104	71	33

Iz ovih razloga Tužiteljstvo je i tokom 2014. godine nastavilo preduzimati aktivnosti na popunjavanju radnih mjesta predviđenih Pravilnikom o unutrašnjoj organizaciji i poslovanju i Odlukom VSTV-a, kako bi se ojačali kadrovski kapaciteti, što bi trebalo rezultirati efikasnijim radom, posebno glede Strategije za procesuiranje predmeta ratnih zločina koji su preuzeti u nadležnost od Tužiteljstva BiH, Strategije procesuiranja krivičnih djela privrednog kriminala i koruptivnih krivičnih djela. U tom smislu aktivnosti su usmjerene prema VSTV-u BiH, Ministarstvu za pravosuđe i upravu Kantona, te Ministarstvu financija Kantona i očekivati je da se tokom 2015. godine popuni barem određeni dio potrebnih radnih mjesta, nakon što se obezbjede materijalna sredstva neophodna za njihovo upošljavanje, iako prostorni kapaciteti Tužiteljstva ne podržavaju nova zapošljavanja, obzirom na neadekvatan i skučen prostor u kojem Tužiteljstvo funkcioniра.

Dakle, pored kadrovskih problema, evidentan je i problem neadekvatnog radnog prostora koji je uz to i neuslovan.

Naime, Tužiteljstvo je smješteno u staroj, potpuno neuslovnoj, zgradi bivšeg ZAPP, inače po zemljišnim knjigama vlasništvo ZE-DO kantona, ukupne površine cca. 850 m, što nije ni blizu dovoljno radnog prostora za uposlene u ovom Tužiteljstvu, iz razloga što jedan ured površine cca. 10-12 m², dijele po dva tužitelja zajedno sa daktilografom i svom pratećom IKT opremom, što je zaista neuslovno za obavljanje ovako teških i složenih poslova, posebno kada se ima na umu da tokom istrage u isti ured treba primiti i osumnjičenog i banitela, pa i sudsku policiju, kada se bukvalno ljudi guše u malom prostoru. Obzirom da se radi o veoma staroj zgradi, moramo napomenuti da su dodatni problem, dotrajale i stare instalacije (zbog kojih se nerijetko pojavljuju problemi: učestali „kratki spojevi“, začepljenje odvoda, poplave i sl.), koje ugrožavaju kako sigurnost zaposlenika Tužiteljstva i stranaka, tako i sigurnost čuvanja krivičnih spisa.

Da bi se obezbjedili uvjeti rada dostojni posla koji obavljamo, tokom 2010. godine započete su aktivnosti na iznalaženju načina za prevazilaženje ovih problema i ublažavanja istih, pa smo uz pomoć VSTV-a, uspjeli izvršiti adaptaciju raspoloživog prostora i napraviti pisarnu, a uz pomoć Ministarstva za pravosuđe i upravu ovog Kantona, izvršiti adaptaciju prostora i napraviti tri uredska prostora. Sve što smo mogli, adaptirali smo, i više nemamo prostorne mogućnosti za bilo kakve adaptacije i stvaranje boljih uvjeta za rad ovog Tužiteljstva.

Uporedo sa ovim aktivnostima, uz podršku i veliko razumijevanje VSTV-a, Ministarstva za pravosuđe i upravu i Vlade ZE-DO kantona, za naše probleme, vođene su i aktivnosti za izgradnju nove zgrade Tužiteljstva, što će se, nadam se, uspješno realizovati uz podršku Evropske Unije, financiranjem izgradnje nove zgrade Tužiteljstva sredstvima iz IPA fondova uz sufinansiranje Vlade ZE-DO kantona. Izgradnja nove zgrade bi trebala započeti u proljeće 2015. godine, čime će se sigurno stvoriti bolji uslovi za rad u ovom Tužiteljstvu.

II - OSTVARENJE NORME

Kolektivna norma Tužiteljstva, izračunata na osnovu prosjeka ostvarenih pojedinačnih normi tužitelja, iznosi 110,75%, uz napomenu da su u izračun prosječne kolektivne norme uzete u obzir ostvarene pojedinačne norme 23 tužitelja, od kojih su:

- 3 tužitelja bila odsutna sa posla zbog bolovanja, svaki po 5 mjeseci u toku izvještajne godine, dok je 1 tužitelj je bio odsutan zbog bolovanja duže od 1 mjesec u toku izvještajne godine;
- 2 novoimenovana tužitelja nisu radila tokom cjelokupnog izvještajnog perioda (isti su počeli sa radom 15.03.2014. i 15.05.2014. godine).

Iz navedenog proizilazi da 6 tužitelja ovog Tužiteljstva nisu radili cjelokupan izvještajni period zbog čega su isti imali manju ostvarenu normu, odnosno imali su neispunjenje norme iz opravdanih razloga, a kako je to definisano članom 19. Pravilnika o orijentacijskim mjerilima za rad tužitelja u tužiteljstvima u Bosni i Hercegovini. Stoga je istim tužiteljima, u skladu sa Kriterijima za ocjenjivanje rada tužilaca u Bosni i Hercegovini, izračunata orijentacijska norma za vrijeme provedeno na radu.

Najveća ostvarena pojedinačna norma iznosi 158,53 %, dok najmanja ostvarena pojedinačna norma iznosi 46,19%, s napomenom da se radi o normi tužitelja koji radi samo polovicu izvještajnog perioda odnosno od 15.05.2014. godine, dok najmanja ostvarena pojedinačna norma tužitelja koji je bio na radu cjelokupan izvještajni period iznosi 82,09%.

Ostvarenje pojedinačne norme ispod 100% imalo je 8 tužitelja, od kojih je 1 tužitelj duže vrijeme bio odsutan zbog bolovanja, dok 2 tužitelja nisu radila cjelokupan izvještajni period, kako je naprijed već navedeno.

III – OSTVARENI KVALITET RADA TUŽITELJSTVA

Ostvareni kvalitet rada Tužiteljstva u izvještajnom periodu, uzimajući u obzir Kriterije za ocjenjivanje rada tužitelja, na visokom je nivou, odnosno kada se uzmu u obzir svi predviđeni elementi pojedinačnih ocjena rada tužitelja, primijenjeni na cjelokupan tužiteljski kolektiv, rad Tužiteljstva je ocijenjen izuzetno uspješnim.

Tužiteljstvo, po osnovu kvaliteta tužiteljskih odluka koji iznosi visokih 94% ostvaruje 40 bodova, što je i najveći predviđeni broj bodova, dok po osnovu ostvarene kolektivne norme od 110,75%, ostvaruje takođe maksimalnih 50 bodova.

Takav rezultat smatramo izuzetno uspješnim, a naročito s obzirom na ranije pomenutu činjenicu da je Tužiteljstvo radilo sa znatno smanjenim kadrovskim kapacitetima, odnosno da su umjesto 33 tužitelja efektivno radio 21 tužitelj, što čini 63,64% predviđenog tužiteljskog radnog kapaciteta, te da pored smanjenog broja tužitelja nedostaje ukupno 27 zaposlenika iz kategorije državnih službenika i namještenika.

IV – AKTIVNOSTI I RAD TUŽITELJSTVA

Svi predmeti protiv punoljetnih počinitelja, koji su zaprimljeni u toku 2014. godine, kao i neriješeni predmeti iz ranijih godina, predstavljaju predmete koji su se nalazili u radu u Tužiteljstvu. Sve aktivnosti Tužiteljstva u okviru zakonitog postupanja, odvijale su se kroz nekoliko faza, pa ćemo statističke pokazatelje iskazati kroz fazu istrage, fazu optuženja i fazu glavnog pretresa. Pokazatelji o radu i aktivnostima Tužiteljstva, po svim predmetima, po poznatim punoljetnim počiniocima krivičnih djela, prikazat ćemo kako slijedi:

IV-1 Prijave

U toku 2014. godine Tužiteljstvo je zaprimilo, po poznatim počiniocima krivičnih djela, ukupno 3512 prijava protiv punoljetnih lica, zajedno sa prijavama u predmetima ratnih zločina (2011. god. - 3112; 2012. god. - 3808; 2013. god. - 3670 prijava) i 178 prijava protiv maloljetnih lica (2011. god. - 253; 2012. god. - 243; 2013. god. - 227), pa je tako ukupno zaprimljeno prijava protiv 3690 lica (2011. god. - 3365, 2012. god. - 4051; 2013. god. - 3897 lica), što je za oko 5,3 % manje u odnosu na prethodnu 2013. godinu, a što upućuje na smanjenje stope kriminaliteta.

Ovom broju treba dodati i preneseni broj neriješenih prijava po poznatim počiniocima iz ranijih godina i to prijava protiv ukupno 1859 lica (2011. god. - 1466 lica; 2012. god. - 1642 lica; 2013. god. - 2042 lica), od čega se na punoljetna lica odnosi 1831, a na maloljetna lica 28.

Prikazat ćemo ove podatke u tabeli:

PERIOD	«KT»	«KTM»	UKUPNO:
Preneseno iz ranijih godina	1831	28	1859
2014.	3512	178	3690
UKUPNO U RADU:	5343	206	5549

Iz tabele se vidi da je u izvještajnoj godini, u radu bilo predmeta protiv ukupno 5549 poznatih počinitelja (2011. god. - 4831; 2012. god. - 5693; 2013. god. - 5939), od čega se na punoljetne osobe odnosi broj od 5343, a na maloljetne broj od 206.

Analiza strukture kriminaliteta u 2014. godini, pokazuje da je u odnosu na prethodnu 2013. godinu, u pojedinim grupnim zaštitnim objektima Krivičnog zakona, došlo do povećanja zaprimljenih izvještaja, dok je u drugim došlo do smanjenja, posmatrano prema broju podnesenih krivičnih prijava, pa je tako:

1. *Smanjenje broja podnesenih izvještaja u odnosu na 2013. godinu prikazano po pojedinim Glavama iz Krivičnog zakona:*


Redni broj	Glava krivičnog zakona	Naziv	Broj prijava 2012.	Broj prijava 2013.	Broj prijava 2014.	Smanjenje u odnosu na 2013.g.
1.	XXVI	Protiv okoliša, poljoprivrede i prirodnih dobara	371	720	532	26,11%
2.	XXI	Protiv zdravlja ljudi	218	258	204	20,93%
3.	XXII	Protiv privrede, poslovanja i sigurnosti platnog prometa	61	82	69	15,85%
4.	XVI	Protiv života i tijela	193	167	145	13,17%

2. *Povećanje broja podnesenih izvještaja u odnosu na 2013. godinu prikazano po pojedinim Glavama iz Krivičnog zakona:*

Redni broj	Glava krivičnog zakona	Naziv	Broj prijava 2012.	Broj prijava 2013.	Broj prijava 2014.	Povećanje u odnosu na 2013.g.
1.	XXIV	Protiv radnih odnosa	4	5	14	180,0 %
2.	XIX	Protiv spolne slobode i morala	23	14	22	57,14%
3.	XXXI	Protiv podmićivanja i protiv službene i druge odgovorne funkcije	192	185	273	47,57%
4.	XVII	Protiv sloboda i prava čovjeka i građanina	196	118	140	18,64%
5.	XXVII	Protiv opće sigurnosti ljudi i imovine	65	88	117	32,95%
6.	XX	Protiv braka, porodice i mladeži	196	200	237	18,5%
7.	XXVIII	Protiv sigurnosti javnog prometa	103	131	144	9,92%
8.	XXV	Protiv imovine	1304	1033	1076	4,16%

STRUKTURA KRIVICHNIH PRIJAVA U 2014. GODINI

■ KD protiv imovine ■ KD protiv okoliša, poljoprivrede i prirodnih dobara
 ■ KD protiv javnog reda i pravnog prometa ■ KD protiv zdravlja ljudi
 ■ KD protiv braka, porodice i mladeži ■ KD privrednog kriminala i korupcije
 ■ KD ratnog zločina ■ Ostala krivična djela




Na kraju 2014. godine ostalo je neriješenih prijava protiv 1763 lica, od kojih 1731 prijava protiv punoljetnih lica, dok je u pogledu maloljetničkog postupka ostalo neriješeno prijava protiv 32 lica (2011. god. - 1636; 2012. god. - 1977; 2013. god. - 1854), što je za oko 5% manje u odnosu na prošlu godinu, a što se može smatrati dobrim rezultatom, obzirom na ukupan broj prijava u radu i postignute rezultate u prethodnom i tekućem izvještajnom periodu. Ove podatke prikazat ćemo u tabeli:

RIJEŠENE/NERIJEŠENE PRIJAVE PREDMETI U 2014. GODINI - PO LICIMA


Predmeti	U radu	Riješeno	Neriješeno
KT	5343	3612	1731
KTM	206	174	32
UKUPNO	5549	3786	1763

Dakle, u 2014. godini ukupno je u radu bilo prijava protiv 5343 punoljetnih lica (2012. god. - 5424; 2013. god. - 5672), što je za oko 5,8% manje u odnosu na prethodnu godinu. Također, ukupno je riješeno prijava protiv 3612 punoljetnih lica (2012. god. - 3447; 2013. god. - 3846;), što je u odnosu na prethodnu godinu za 6% manje, te je ostalo neriješenih prijava protiv 1731 punoljetnih lica (2012. god. - 1977; 2013. god. - 1826), što je za oko 5,2% manje neriješenih prijava u odnosu na 2013. godinu, a što je posljedica velikog zalaganja tužitelja i drugog osoblja, obzirom da je tokom cijele godine s punom radnom aktivnošću radio 21 tužitelj, te da nedostaje 9 državnih službenika i 18 namještenika, a da je priliv prijava u toku izvještajne godine (3512 prijava) riješen preko 103%.

Dakle, da je u Tužiteljstvu efektivno radilo predviđenih 33 tužitelja, rezultati glede riješenih prijava bi bili znatno bolji obzirom da, iz činjenice da je 21 tužitelj riješio ukupno 3612 prijava, odnosno po tužitelju 172 prijave, osnovano se pretpostavlja da bi nedostajućih 11 tužitelja, da su rješavali prosječno po 172 prijave, riješilo još 1892 prijave (novozaprimljene i prijave iz ranijeg perioda), što znači da bi riješili ukupan broj prijava u radu.



Navedeni podaci o smanjenju neriješenih prijava po godinama predstavljeni su u dijagramu:



U toku izvještajne godine, ukupno je u radu bilo prijava protiv 206 maloljetnih lica (2011. god. - 269; 2012. god. - 269; 2013. god. - 267), od kojih je 178 prijava zaprimljeno u 2014. godini. U izvještajnom periodu riješeno je prijava protiv 174 maloljetna lica, odnosno riješeno je oko 97,75% pristiglih prijava, što se može smatrati odličnim rezultatom, a koji bi sigurno bili još i bolji da je radilo svih potrebnih 33 tužitelja.

IV-2 Istrage

U toku 2014. godine bilo je ukupno u radu istraga protiv 3612 lica (2897 istraga naređenih u toku izvještajnog perioda i 715 istraga prenesenih iz ranijih godina), od kojih je riješeno istraga protiv 3001 lica, dok je na kraju izvještajnog perioda ostalo neriješenih istraga protiv 611 lica.

Navedeni podaci prikazani su u tabeli:

Prenesene istrage	Naređene istrage	Istrage u radu	Riješene istrage	Neriješene istrage
715	2897	3612	3001	611

U izvještajnoj godini doneseno je naredbi o provođenju istrage protiv 2897 lica (2011. god. - 2393; 2012. god. - 2651; 2013. god. - 2911), naredbi o neprovođenju istrage protiv 603 lica i naredbi o obustavi istrage protiv 561 lica, što je na nivou rezultata iz prethodne godine.

Dakle, da je u Tužiteljstvu efektivno radilo predviđenih 33 tužitelja, rezultati glede riješenih istraga bi bili znatno bolji obzirom da, iz činjenice da je 21 tužitelj riješio ukupno 2897 istraga, odnosno po tužitelju 138 istraga, osnovano se pretpostavlja da bi nedostajućih 11 tužitelja, da su rješavali prosječno po 138 istraga, riješilo još 1518 istraga, što znači da bi riješili ukupan broj i novonaređenih istraga i prenesenih istraga iz ranijeg perioda.

Odluke	Neprovođenje istrage	Provođenje istrage	Obustava istrage	Neriješene istrage
Broj	603	2897	561	611

Broj tužiteljskih odluka, kojima se predmeti završavaju u fazi istrage i ne dolazi do optuženja, glede naredbi o neprovođenju istrage, posljedica su povećanog broja podnesenih krivičnih prijava od strane fizičkih i pravnih lica, iz kojih proizilazi da ne postoji osnov sumnje da je krivično djelo izvršeno, pa ni nakon prikupljanja dokaza od strane tužitelja, i veoma često su u pitanju prijave bez ikakvog smisla, gdje se može jedino utvrditi da se radi o nekim subjektivnim doživljajima pojedinca, koje su često posljedica i psihičkog stanja podnosioca prijava, a jednim dijelom se radi o krivičnim prijavama iz kojih se jasno vidi da se radi o građansko-pravnom odnosu, gdje pojedinci nastoje da kroz krivični postupak pokušaju izgubljeno povratiti podnošenjem krivične prijave i eventualnim krivičnim postupkom.

Na kraju izvještajnog perioda ostalo je neriješenih istraga protiv 611 lica, zajedno sa licima za krivična djela ratnog zločina kojih je 28 (2011. god. - 407; 2012. god. - 492; 2013. god. - 710), što je u odnosu na prethodnu godinu manje neriješenih istraga za oko 99 lica, odnosno manje neriješenih istraga za oko 14% u odnosu na 2013. godinu.

IV - 3 Optuženja

Nakon okončanja istrage, tužitelji su podnosili optužnice kod nadležnih sudova, pa ćemo u slijedećoj tabeli prikazati podatke o istim:

Optuženja	Ukupno okončano istraga	Broj podignutih optužnica	Optužnice sa kaznenim nalogom	Optužnice bez kaznenog naloga	Potvrđene optužnice sa kaznenim nalogom	Potvrđene optužnice bez kaznenog naloga
Broj	3001	2412	803	1609	774	1584

Dakle, po okončanju istrage tužitelji su podigli optužnica protiv 2412 lica, od čega je optužnica sa kaznenim nalogom protiv 803 lica, što je za 129 lica više u odnosu na 2013. godinu (2011. god. - 941; 2012. god. - 677; 2013. god. - 674), dok je optužnica bez kaznenog naloga podignuto protiv 1609 lica, što je manje u odnosu na prethodnu godinu (2011. god. - 1350; 2012. god. - 1599; 2013. god. - 1695) za 76 lica, a što ukazuje da su istrage vođene za složenija krivična djela, koja u konačnici imaju optužnice bez kaznenog naloga, gdje Tužiteljstvo očekuje bezuvjetne kazne.

U 2014. godini, 21 tužitelj, koji su bili potpuno radno angažovani tokom cijelog izvještajnog perioda, podigli su 2412 optužnica, odnosno svaki tužitelj prosječno po 115 optužnica, iz čega proizilazi da bi nedostajućih 11 tužitelja podigla još 1265 optužnica, što bi zaista bio impozantan broj.

Od ukupnog broja podignutih optužnica u toku izvještajnog perioda, sudovi u Kantonu su potvrdili optužnice protiv ukupno 2358 lica (2011. god. - 2235; 2012. god. - 2161; 2013. god. - 2255), za jedno lice je odbijeno potvrđivanje optužnice (2011. god. - 1; 2012. god. - 1; 2013. god. - 1), dok u optužnicama protiv 167 lica nije donesena odluka u smislu člana 243. Zakona o krivičnom postupku. Treba pojasniti da brojke o potvrđenim optužnicama, obuhvaćaju i podatke o optužnicama podignutim u 2013. godini, po kojima sudovi nisu u toku 2013. godine donijeli svoju odluku.

Cijeneći podatke o broju podignutih optužnica i broju donesenih presuda (osuđujućih, oslobađajućih i odbijajućih), može se reći da je kvalitet podignutih optužnica izuzetno visok, kao i ranijih godina.

Na osnovu istaknutih podataka, može se zaključiti da je povećana efikasnost provođenja krivičnih istraga iz prethodne godine, jer se iste provode brže, u kraćem roku se dolazi do kvalitetnih tužiteljskih odluka, a time su postignuti dobri rezultati. Na ovaj način se ostvaruje efikasnost u provođenju zakona i ostvaruje osnovna uloga Tužiteljstva u otkrivanju i gonjenju počinitelja krivičnih djela. Usljed ovakvog angažmana tužitelja i svih drugih zaposlenih u Tužiteljstvu, te aktivnosti sudova, brža je krivično-pravna zaštita, što sve u krajnjem odražava efikasniji i ekonomičniji krivični postupak.

Kod tzv. težih krivičnih djela, kao i u ranijem periodu, istragea duže traju, a što je i objektivno, jer je u takvim predmetima potrebno prikupiti veći broj dokaza, provesti različita vještačenja, čak i više vještačenja u okviru jednog predmeta, čime se usporava rad u istrazi i sporije dolazi do tužiteljskih odluka.

IV-4 Sporazumi

U toku ovog izvještajnog perioda zaključeno je sporazuma o priznanju krivnje sa 112 lica, što je manje u odnosu na prethodnu godinu (2011. god. - 140; 2012. god. - 145; 2013. god. - 170). Sudovi su od ukupnog broja podnesenih sporazuma, prihvatili sporazume za 107 lica (2011. god. - 109; 2012 .god. – 105; 2013. god. - 149), niti jedan predloženi sporazum nije odbijen, dok sudska odluka nije donesena za predložene sporazume za 14 lica.

Od svih zaključenih sporazuma, sudovi su donijeli osuđujuće presude protiv 111 lica, kojima su izrečene slijedeće sankcije: 54 zatvorske kazne, 55 uvjetnih osuda i 2 novčane kazne.

Sporazumi su zaključivani uglavnom na inicijativu optužene strane i najviše zaključenih sporazuma je za krivična djela neovlaštene proizvodnje i stavljanje u promet opojnih droga (12), nasilničko ponašanje (9), teška krađa (8), razbojništvo (8) i dr.

IV-5 Pritužbe

U izvještajnoj godini Ured tužitelja je zaprimio ukupno 106 pritužbi (2011. god. - 49; 2012. god. - 69; 2013. god. - 81) na donesene negativne tužiteljske odluke (naredbe o neprovođenju istrage i naredbe o obustavi istrage), što je za 25 pritužbi više u odnosu na prethodnu godinu. Cijeneći broj pritužbi u odnosu na broj donesenih naredbi o neprovođenju istrage i obustavi istrage, ovdje se može konstatovati dobar kvalitet rada tužitelja na ovim odlukama, obzirom da je ukupan broj negativnih odluka bio protiv 1164 lica, što će reći da je pritužbama pobijano svega 9,1 % negativnih odluka, što dalje ukazuje da su tužitelji negativne odluke donosili pravilno i zakonito.

Iz ranijeg perioda ostalo je neriješenih 10 pritužbi, tako da je ukupno u radu bilo 116 pritužbi, od kojih je tokom izvještajnog perioda riješeno 98 pritužbi i to na način da je uvaženo 12 pritužbi, od čega je po 9 pritužbi doneseno obavezno uputstvo te naloženo provođenje istražnih radnji, dok su 72 pritužbe odbijene kao neosnovane, a 14 pritužbi je odbačeno kao nedopuštene ili neblagovremene, što znači da je odbijeno i odbačeno ukupno 86 pritužbi, dok je na kraju izvještajnog perioda ostalo neriješeno 18 pritužbi.

IV-6 Sudske odluke

Prvostepeni sudovi su, po optužnicama koje su podignute u ranijem periodu kao i po optužnicama podignutim u toku 2014. godine, donijeli ukupno presuda protiv 2326 lica na način da je presuđeno osuđujućom presudom 2129 lica (od toga su tri sudske opomene), oslobađajućom presudom 138 lica, te je doneseno 59 odbijajućih presuda. Za 23 lica postupak je obustavljen sudskom odlukom.


Na slijedećoj tabeli ćemo prikazati prvostepene presude po vrstama sankcija:

UKUPAN BROJ DONESENIH PRESUDA	OSUĐUJUĆE PRESUDE					Oslobađajuće presude	Odbijajuće presude
	Sudske opomene	Zatvorske kazne	Novčane kazne	Uvjetne osude	Oslobađanje od kazne		
2326	3	539	18	1564	5	138	59
100%	0,13%	23,17%	0,77%	67,24 %	0,22%	5,93%	2,54%
91,53 %							

Iz naznačene tabele proizilazi da su sudovi u Kantonu, u izvještajnoj godini, izrekli ukupno osuđujućih presuda protiv 2129 lica, uključujući 3 sudske opomene i 5 osuđujućih presuda gdje je izvršilac oslobođen od kazne (2011. god. - 1833; 2012. god. - 1861; 2013. god. - 2088), a da su prema vrstama izrečenih sankcija utvrđene slijedeće sankcije: zatvorske kazne protiv 539 lica ili 23,17% (2011. god. - 333; 2012. god. - 380; 2013. god. - 459), novčane kazne protiv 18 lica ili 0,77% (2011. god. - 49; 2012. god. - 57; 2013. god. - 42) i uvjetne osude protiv 1564 lica ili 67,24% (2011. god. - 1451; 2012. god. - 1424; 2013. god. - 1583).

Struktura osuđujućih presuda u 2014. godini prikazana je na slijedećem dijagramu:

PRIKAZ STRUKTURE OSUĐUJUĆIH PRESUDA U 2014. GODINI



Analizom naprijed navedenog i broja i vrste izrečenih kazni iz prethodnog perioda, može se zaključiti da je kaznena politika pooštrena u smislu povećanog broja zatvorskih kazni, a Tužiteljstvo će i u 2015. godini, nastaviti svoje aktivnosti kako bi došlo do značajnijeg pooštavanja kaznene politike, a prije svega kod povratnika, posebno specijalnih povratnika, zatim za pojedine vrste krivičnih djela, te kod produženih krivičnih djela.

Od ukupno optuženih punoljetnih lica, kako iz ranijih godina, tako i iz 2014. godine, na prvostepenim sudovima je ostalo nepresuđenih 1983 lica, što je identičan broj kao i u protekloj godini, čemu je prethodio veliki broj glavnih pretresa kojima su tužitelji prisustvovali, ukupno 5735 ročišta, od toga je 66,45% ročišta izvan sjedišta Tužiteljstva, odnosno 3810 ročišta.

V – MALOLJETNIČKI KRIMINAL

Imajući u vidu značaj i ulogu Tužiteljstva u cilju ostvarivanja svoje funkcije, daje se veliki doprinos na sprječavanju pojave socijalne patologije i kriminaliteta kod maloljetnika. Stoga imamo obavezu da brzo i efikasno rješavamo predmete maloljetničke delinkvencije, te na taj način preventivno djelujemo na sprječavanje i suzbijanje ove vrste kriminala koji je veoma štetan za društvo u cjelini. Imajući u vidu specifičnosti ove vrste kriminala, a prije svega zbog starosne dobi počinitelja krivičnih djela i njihove ličnosti, kompletan postupak kod ove vrste počinitelja provodi se sa naročitom oprežnošću i osjetljivošću.

Isti način postupanja je i kod donošenja tužiteljskih odluka tj. kod procjene, koja od mjera se treba poduzeti prema maloljetnim delinkventima, jer je osnovni princip postupanja da se ostvari proces resocijalizacije, odnosno vraćanje maloljetničkih delinkvenata u normalan život, te njihovog odvrćanja od vršenja krivičnih djela, a ne represija. Stoga, rijetki su prijedlozi Tužiteljstva da se prema maloljetnim počiniocima krivičnih djela izrekne maloljetnički zatvor, osim kod najtežih oblika krivičnih djela, posebno što je za takve prijedloge potrebno da se ostvari više zakonom propisanih kumulativnih uvjeta.

Kompletna aktivnost Tužiteljstva, u ovoj oblasti, koordinirana je sa predstavnicima Ministarstva unutarnjih poslova, te sa predstavnicima Centara za socijalni rad po općinama u Kantonu, koji imaju specifičnu zakonsku ulogu u ovom postupku, zbog čega je saradnju sa istima potrebno još više unaprijediti, kako bi se postigli još bolji rezultati u ostvarenju predviđenih ciljeva.

U strukturi krivičnih djela koja su počinili maloljetnici po podnesenim izvještajima, najveći broj izvještaja, kao i u prethodnim periodima, odnosi se na krivična djela iz slijedećih Glava KZ FBiH: XXV-protiv imovine, XXVI-protiv okoliša, poljoprivrede i prirodnih dobara, XXVIII-protiv sigurnosti javnog prometa, XVII-protiv slobode i prava čovjeka i građanina.

Za ova krivična djela u 2014. godini:

- podneseno je zahtjeva za pokretanje pripremnog postupka protiv 83 lica {2012 . god. - 137 lica; 2013. god. – 161 lice};
- iz ranijih perioda preneseno zahtjeva za pokretanje pripremnih postupaka protiv 43 lica, (2012. god. - 66 lica; 2013. god. – 48 lica);
- odbačeno je prijava protiv 86 lica (2012. god. - 58 lica; 2013.god. – 73 lica), a od tih mladb. lica, njih 7 (2012. god. - 2 lica; 2013. god. – 12 lica) su djeca koja nisu krivično odgovorna;
- obustave postupka protiv 54 lica, (2012. god. - 54 lica; 2013. god. – 69 lica)
- podneseno prijedloga za izricanje vanzavodske mjere protiv 46 lica (2012. god. – 82 lica; 2013. god. – 79 lica)
- podneseno prijedloga za izricanje kazne maloljetničkog zatvora za 1 lice (2012. god. - 2 lica; 2013. god. – 5 lica) i za 1 lice zavodska mjera kao i predhodne godine.

U toku izvještajne godine, sudovi su riješili maloljetničkih postupaka po prijedlozima Tužiteljstva protiv 104 lica, (2012. god. - 123 lica; 2013. god. – 131 lica), a od toga je izrečena kazna maloljetničkog zatvora za 1 lice (2012. god. - 2 lica; 2013. god. – 3 lica), te vanzavodskih mjera za 49 lica (2012. god. - 80 lica; 2013. god. – 59 lica) i zavodska mjera za 1 lice. Istovremeno, postupak je obustavljen protiv 54 maloljetna lica (2012. god. - 41 lice; 2013. god. – 69 lica).

Također, kod sudova je u fazi pripremnog postupka ostalo neriješeno predmeta protiv 22 maloljetna lica (2012. god. - 48 lica; 2013. god. - 43 lica), što je manje u odnosu na prethodnu godinu za oko 49% .

Ovdje je veoma važno istaći da je od 06.02.2015. godine u primjeni novi Zakon o zaštiti i postupanju sa djecom i maloljetnicima u krivičnom postupku, kojim je predviđena znatno veća uloga tužitelja kod procesuiranja maloljetnih lica i u radu na krivičnim predmetima gdje je dijete ili maloljetnik oštećen krivičnim djelom. Ovim Zakonom predviđeno je niz novina koje za sobom povlače potrebu znatnih materijalnih sredstava za nabavku tehničke opreme, prostornog uređenja za zakonito provođenje radnji ispitivanja i saslušanja maloljetnih lica, naknade advokatima i sl.

Ovo Tužiteljstvo je u ranijim godinama kroz svoje budžetske zahtjeve isticalo navedene potrebe, kojima se nije udovoljilo vjerovatno zbog općeg stanja u društvu, tako da je sigurno da će se, ukoliko ne bude razumijevanja za usvajanje predloženog budžeta za 2015. godinu, ovo Tužiteljstvo sresti sa nizom problema kod primjene novog Zakona.

VI - PREDMETI KTA

Tokom izvještajnog perioda Tužiteljstvo je zaprimilo ukupno 753 predmeta koji su zavedeni u KTA upisnik (2011. god. - 677; 2012. god. - 809; 2013. god. - 679), a iz ranijeg perioda ostao je neriješen 651 predmet, što je za oko 25% manje o odnosu na prethodnu godinu kada je preneseno 870 neriješenih predmeta.

Od ukupnog broja KTA predmeta koji su se nalazili u radu i to 1404 predmeta (2013. god. - 1549), riješeno je 652, a ostalo je neriješeno 752 predmeta (2011. god. - 834; 2012. god. - 870; 2013. god. - 651), pa se može zaključiti da su tužitelji kod rješavanja ovih predmeta, koji obuhvataju i anonimne prijave za čije rješavanje se ulaže mnogo truda i vremena, pokazali dobre rezultate, kao i u prethodnoj godini.

VII - PREDMETI KTN - NEPOZNATI POČINIOCI

U toku 2014. godine zaprimljeno je ukupno 839 prijave za počinjena krivična djela po nepoznatim počiniocima (2011. god. - 1075; 2012. god. - 959; 2013. god. - 860), što je za 21 prijavu manje u odnosu na prethodnu godinu, dok je iz ranijeg perioda ostalo neriješeno ukupno 6353 prijave protiv nepoznatih počinilaca (od kojih 3806 starih KTN predmeta koji nisu uneseni u TCMS), što je za 493 neriješene prijave manje, odnosno za 7,2% manje neriješenih prijave u odnosu na protekli izvještajni period.

U toku izvještajnog perioda, po ovom osnovu, ukupno je bilo u radu 7192 prijava, od kojih je ukupno riješeno 1202 prijave, a na kraju izvještajnog perioda ostalo je ukupno 5990 neriješenih prijava (od kojih je 2878 starih predmeta koji nisu uneseni u TCMS) što je u odnosu na prethodnu godinu za 363 neriješene prijave manje, odnosno 5,7% manje neriješenih prijava po nepoznatom počiniocu. Analizom rješavanja prijava po nepoznatim izvršiteljima može se zaključiti da se bilježi tendencija pada krivičnih prijava protiv nepoznatih počinitelja, odnosno da je veća otkrivenost počinitelja krivičnih djela, što za posljedicu ima veću efikasnost u ostvarivanju bezbjednosti života i imovine sugrađana.

Tokom 2015. godine neophodno je, kao i u predhodnoj izvještajnoj godini, nastaviti kontinuirani rad na predmetima protiv nepoznatih počinitelja u cilju smanjenja broja ovih krivičnih prijava, a posebna pažnja će biti usmjerena na teža krivična djela po nepoznatim počiniteljima (ubojstva, razbojništva i sl.).

VIII - OBUSTAVLJENI POSTUPCI ZBOG ZASTARJELOSTI GONJENJA

U skladu sa uputama Visokog sudbenog i tužiteljskog vijeća BiH, u izvještaju ćemo posebno brojčano pokazati obustavljene postupke zbog zastarjelosti krivičnog gonjenja, kako slijedi:

Vrsta predmeta	Obustavljanje postupka-apsolutna zastarjelost gonjenja	Obustavljanje postupka-relativna zastarjelost gonjenja	Ukupno
KT	3	5	8
KTN	5	980	985
Ukupno	8	985	993

Iz naznačenih podataka se vidi da je u 8 KT predmeta postupak obustavljen zbog zastarjelosti krivičnog gonjenja, a do zastarjelosti krivičnog postupka je došlo kao i ranijih godina, zbog nedostupnosti osumnjičenih za kojima su cijelo vrijeme, do roka zastare, bile raspisane potjernice, i za njima se intenzivno tragalo sve dok nije nastupila apsolutna zastarjelost za krivično gonjenje, dok je relativna zastarjelost nastupila u slučajevima kada je izvještaj o izvršenju krivičnog djela dostavljen Tužiteljstvu nakon protoka roka za relativnu zastarjelost krivičnog gonjenja.

Dakle, u 2014. godini smanjen je procenat obustavljenih postupaka zbog zastarjelosti gonjenja, i to u KT predmetima za 42,86%, dok u KTN predmetima procenat smanjenja u odnosu na proteklu godinu iznosi 15,52%.

IX – PRESUDE DONESENE OD STRANE SUDOVA

Sudovi su, po optužnicama podignutim u izvještajnom periodu te po optužnicama iz ranijih godina u kojima nije bila donesena prvostepena presuda, donijeli presude protiv 2326 punoljetnih lica (2011. god. - 1949; 2012. god. - 2013; 2013. god. - 2232), što je za 94 lica više u odnosu na prethodnu godinu. Tokom izvještajnog perioda sudovi su donijeli i 23 sudske odluke koje se odnose na obustavu postupka, pa je ukupan broj sudskih odluka 2349.

Po vrstama presuda u 2014. godini, sudovi su donijeli ukupno prvostepenih osuđujućih presuda protiv 2129 punoljetnih lica, uračunavajući i izrečene 3 sudske opomene (2011. god. - 1837; 2012. god. - 1870; 2013. god. - 2088), što je više za 41 lice u odnosu na prethodnu godinu, dok je oslobađajućih presuda doneseno protiv 138 punoljetnih lica (2011. god. - 78; 2012. god. - 100; 2013. god. - 103), dakle za 35 lica više u odnosu na 2013. godinu, kao i 59 odbijajućih presuda, što je više za 18 lica u odnosu na prethodnu godinu (2011. god. - 34; 2012. god. - 43; 2013. god. - 41). Povećanje broja oslobađajućih i odbijajućih presuda u odnosu na izvještajni period iz 2013. godine, je neznatno, obzirom na omjer ukupnog broja donesenih presuda i broja osuđujućih presuda, gdje su osuđujuće presude, u odnosu na oslobađajuće i odbijajuće presude, zastupljene sa 91,53%, što je odličan rezultat.

Pokazatelji	Osuđujuće presude	Oslobađajuće presude	Odbijajuće presude	UKUPNO
Brojčani iznos	2129	138	59	2326
Procentualni iznos	91,53%	5,93%	2,54 %	100%

Protiv prvostepenih presuda u izvještajnoj godini uloženo je 137 žalbi (2011. god. - 118; 2012. god. - 222; 2013. god. - 176), drugostepeni sudovi su riješili ukupno 116 žalbi (2011. god. - 114; 2012. god. - 122; 2013. god. - 108). Od svih riješenih žalbi, uvaženo je 36 žalbi (2011. god. - 21; 2012. god. - 19; 2013. god. - 22).

Iz prikazanih podataka proizilazi da je rezultat uspješnosti uložених žalbi Tužiteljstva bolji nego u prethodnoj godini, obzirom da se radi o povećanju uvažених žalbi za 63,64%, što ne znači da Tužiteljstvo neće i dalje nastaviti da inzistira na pooštavanju kaznene politike ulaganjem žalbi zbog odluka o kazni, posebno glede povratnika, bilo da su u općem ili specijalnom povratu, opozivanja uvjetnih osuda i pobijanja oslobađajućih presuda, kada tužiteljstvo smatra da je svojim dokazima uspjelo dokazati navode optužnice.

Posebno ističemo da kvalitet tužiteljskih odluka iznosi visokih 94%, a prema propisanim parametrima za njegov izračun koji uzimaju u obzir broj i vrstu pravosnažnih sudskih odluka u odnosu na broj podignutih optužnica i prijedloga za izricanje vaspitnih mjera i maloljetničkog zatvora.

X - AKTIVNOSTI PO PREDMETIMA IZ OBLASTI RATNIH ZLOČINA

Shodno utvrđenim obavezama iz Državne strategije za rad na predmetima ratnih zločina, i tokom 2014. godine, ovo Tužiteljstvo je nastavilo sa kontinuiranim kvalitetnim radom na predmetima ratnih zločina. Postupanje Tužiteljstva je usklađeno sa postupanjem Tužiteljstva BiH, odnosno propisanim obavezama iz Državne strategije za rad na predmetima ratnih zločina.

U ovoj izvještajnoj godini iz oblasti krivičnih djela protiv čovječnosti i vrijednosti zaštićenih Međunarodnim pravom, ukupno je u radu bilo 15 prijava (31 lica), od toga 5 prijava (8 lica) primljeno tokom 2014. godine, dok je iz ranijeg perioda preneseno 10 prijava (23 lica).

Tokom izvještajnog perioda riješeno je svih 15 prijava (31 lica) na način da je za 1 lice donesena naredba o neprovođenju istrage, protiv 29 lica je donesena naredba o provođenju istrage, dok je na drugi način riješena jedna prijava sa 1 licem. Na kraju 2014. godine nije ostala niti jedna neriješena prijava.

U ovoj izvještajnoj godini doneseno je naredbi o provođenju istrage protiv 29 lica, a iz ranijeg perioda preneseno je 6 istraga protiv 10 lica, tako da je ukupno u radu bilo 19 istraga protiv 39 lica. Po okončanim istragama podignuto je 5 optužnica protiv 8 lica, čime je ostvareno 29,41% plana za rješavanje predmeta ratnih zločina. Tokom 2014. godine potvrđeno je svih 5 optužnica za 8 lica, te je na kraju godine ostalo neriješeno 12 istraga protiv 28 lica.

Kantonalni sud u Zenici je u ovoj godini izrekao prvostepene presude protiv 5 lica, kojima su izrečene kazne zatvora u ukupnom trajanju od 34,5 godina.

U toku cijele godine tužitelji koji postupaju u predmetima ratnih zločina zastupali su podignute optužnice na glavnom pretresu pred Kantonalnim sudom u Zenici, pred kojim je održano ukupno 63 ročišta, na kojima je saslušano 66 svjedoka, 7 vještaka i 3 optužena.

Analizom postignutih rezultata, može se reći da su tokom ovog izvještajnog perioda, postignuti bolji rezultati u odnosu na 2013. godinu, obzirom da je tokom 2014. godine ovo Tužiteljstvo uspjelo riješiti sve prijave iz ove i prethodnih godina, kao i da je donesen znatno veći broj naredbi o provođenju istrage, dok je broj podignutih optužnica isti kao i u prethodnoj godini, a kojem je rezultatu, uz intenzivan i izuzetno kvalitetan rad postupajućih tužitelja, doprinjeo i rad stručnih suradnika čije je upošljavanje finansirano od strane OSCE-a, odnosno Evropske Unije putem IPA fondova, kao i upošljavanje jednog namještenika-daktilografa za potrebe rada ovog Odsjeka.

Osim naznačenog, u okviru ove nadležnosti su se poduzimale aktivnosti i u predmetima ratnog zločina pod oznakom KTARZ i KTNZRZ.

Iz ranijih godina preneseno je 83 KTARZ predmeta, dok je tokom godine zaprimljeno još 11 novih predmeta, tako da je u radu ukupno bilo 94 KTARZ predmeta. Tokom izvještajnog perioda riješeno je 17 predmeta, a neriješeno je ostalo 77 predmeta koji se uglavnom odnose na ekshumacije i identifikacije.

Tokom godine u radu je bilo i 50 predmeta po nepoznatim licima, od kojih je 36 predmeta preneseno iz ranijeg perioda, a tokom izvještajnog perioda je zaprimljeno novih 14 predmeta. U toku izvještajnog perioda riješeno je 8 predmeta protiv nepoznatih lica, te je ostalo neriješeno 56 predmeta u kojima se provode istražne radnje.

Postignutim rezultatima smo veoma zadovoljni, jer su isti izuzetno dobri i rezultat su svakodnevnog zalaganja tužitelja i stručnih suradnika koji rade u ovom Odsjeku, te smo mišljenja da ćemo uz ovakav rad u potpunosti ispoštovati rokove date u Državnoj strategiji za rad na predmetima ratnih zločina.

XI - AKTIVNOSTI PO PREDMETIMA PRIVREDNOG KRIMINALA

U toku 2014. godine zaprimljeno je prijava protiv ukupno 358 lica za krivična djela iz oblasti privrednog kriminala i korupcije (krivično djelo primanje dara i drugih oblika koristi, zloupotreba položaja ili ovlaštenja, nesavjestan rad u službi, porezna utaja, obmana pri dobivanju kredita, nedozvoljena trgovina, krivotvorenje službene isprave, pronevjera u službi, prevara u privrednom poslovanju i druga), dok je iz ranijeg perioda preneseno prijava protiv 311 lica, što je za oko 15% manje u odnosu na 2013. godinu kada je preneseno prijava protiv 364 lica.

Tokom 2014. godine otvorena je istraga protiv 124 lica (19,2% više u odnosu na 2013. godinu), a iz ranijeg perioda preneseno je istraga protiv 104 lica.

Tokom izvještajnog perioda ukupno je riješeno prijava protiv 278 lica, te je riješeno istraga protiv 119 lica. Na kraju izvještajnog perioda ostalo je neriješeno prijava protiv 391 lica i neriješenih istraga protiv 109 lica, te je podignuto ukupno 36 optužnica protiv 70 lica i to: protiv 14 lica zbog krivičnog djela zloupotrebe položaja ili ovlaštenja, protiv 26 lica zbog krivičnog djela obmana pri dobijanju kredita ili drugih pogodnosti, protiv 9 lica zbog krivičnog djela nesavjestan rad u službi, protiv 3 lica zbog krivičnog djela pronevjere u službi, protiv 4 lica zbog krivičnog djela nedozvoljene trgovine, protiv 3 lica zbog krivičnog djela primanja dara i drugih oblika koristi, protiv 2 lica zbog krivičnog djela krivotvorenje službene isprave i druga. Od podignutih optužnica protiv 70 lica potvrđeno je njih 67, dok za optužnice protiv preostala 3 lica nije donesena sudska odluka u toku izvještajnog perioda, te su potvrđene i 3 optužnice protiv 8 lica koje su podignute u prethodnoj izvještajnoj godini.

Sudovi su tokom 2014. godine donijeli osuđujuće presude protiv 37 lica, kojim su izrečene zatvorske kazne protiv 5 lica, uvjetne osude protiv 32 lica, dok su za 4 lica donesene oslobađajuće presude, u odnosu na 1 lice je postupak obustavljen, a za 3 lica su donesene odbijajuće presude, pa se može konstatovati da su osuđujuće presude zastupljene u procentu od 84%, od ukupno donesenih presuda za ova krivična djela.

U drugoj polovini 2013. godine, u Tužiteljstvu je počeo sa radom stručni savjetnik za ekonomske poslove, čiji je osnovni zadatak pružanje stručne pomoći tužiteljima u procesuiranju predmeta privrednog kriminala i koruptivnih krivičnih djela i njegov rad svakako doprinosi aktivnostima ovog Odsjeka, obzirom da su u pitanju veoma složena krivična djela gdje je tužiteljima ovakav vid pomoći zaista neophodan i koristan. Na istom Odsjeku stalno je zaposlen i jedan stručni suradnik-pomoćnik tužitelja.

Tokom 2014. godine, ovo Tužiteljstvo je posebnu pažnju posvetilo rješavanju krivičnih prijava i istraga koruptivnih krivičnih djela, organiziranog kriminala i privatizacije, iniciranih do 01.01.2012. godine.

Tako je Tužiteljstvo tokom 2014. godine u fazi prijave riješilo 11 koruptivnih predmeta od ukupno 16 predmeta, a u fazi istrage od 15 istraga riješeno je njih 7.

Neriješene prijave i istrage su u aktivnom radu Tužiteljstva i nisu okončane iz objektivnih razloga, koji se tiču prije svega neblagovremenog postupanja po nalogima i naredbama tužitelja, u prvom redu glede provođenja vještačenja, prikupljanja potrebne dokumentacije, međunarodne pravne pomoći, nedostupnosti svjedoka ili osumnjičenih, bolesti osumnjičenih koje dovode do prekida istraga i slično.

Ovo Tužiteljstvo tokom 2014. godine nije imalo niti jedan neriješen predmet u fazi prijave i istrage iz oblasti organiziranog kriminala, dok je takvih predmeta bilo u fazi suđenja i isti su se odnosili na automafiju i trgovinu drogom.

Glede krivičnih predmeta iz oblasti privatizacije, ovo Tužiteljstvo nije imalo evidentiran niti jedan predmet neriješenih istraga, dok je u fazi prijave u radu imalo 1 predmet iz 2011. godine, čija dopuna je od strane MUP-a ZDK izvršena 10.10.2014. godine. Radi se o obimnom predmetu, čije je okončanje prioritetan zadatak postupajućeg tužitelja.

XII - AKTIVNOSTI NA RJEŠAVANJU PREDMETA IZ RANIJIH GODINA

Kantonalno tužiteljstvo ZE-DO kantona je tokom 2014. godine, kao i prethodne godine, veliku pažnju posvetilo rješavanju predmeta iz ranijih godina (prijave i istrage starije od tri i više godina). Radi ostvarenja navedenog cilja sačinjeni su Planovi rješavanja starih predmeta i praćena je realizacija istih. Aktivnosti preduzete na ovom planu imale su za posljedicu aktivan rad tužitelja, koliko su dozvoljavale objektivne okolnosti, s tim da će se ove aktivnosti kontinuirano nastaviti i tokom 2015. godine donošenjem novih planova za rješavanje predmeta iz starijih godina.

U toku izvještajnog perioda, u ovom Tužiteljstvu ukupno je bilo u radu 140 KT predmeta starijih od tri i više godina, i to 96 predmeta u fazi prijave i 44 predmeta u fazi istrage.

Tokom 2014. godine riješeno je 65 starih predmeta u fazi prijave (odnosno 67,71% prijava u radu) i 14 predmeta u fazi istrage (odnosno 31,82% istraga u radu), dakle ukupno 79 starih predmeta, odnosno ukupno 56,43% predmeta starijih od tri i više godina koji su bili u radu u 2014. godini.

U fazi istrage ostalo je neriješeno 30 starih predmeta (od kojih je 9 predmeta starijih od tri godine, 3 predmeta su starija od četiri godine i 18 predmeta koji su stariji od pet i više godina).

Svih 30 predmeta starijih od tri i više godina u fazi istrage, ostali su neriješeni iz objektivnih razloga: u 21 predmetu su izdate potjernice, u 2 predmeta je zatražena međunarodna pravna pomoć/pravna pomoć, u 1 predmetu je osumnjičeni teško bolestan, u 1 predmetu je osumnjičeni nedostupan, 1 KTRZ predmet se nalazi na ocjeni kod Suda BiH, u 1 KTPO predmetu se provode opsežne istražne radnje u okviru kojih je u 2014. godini saslušano preko 40 svjedoka i pribavljen veći broj materijalnih dokaza, dok je u januaru 2015. godine u 1 KTPO predmetu riješena prijava protiv dva od prijavljena tri lica, a u 2 predmeta su istrage okončane i to podizanjem optužnice i obustavom istrage.

U fazi prijave ostao je neriješen 31 predmet (od kojih je 19 predmeta starijih od tri godine, 8 predmeta je starijih od četiri godine i 4 predmeta su starija od pet godina). Od navedenih neriješenih prijava: u 13 predmeta se intenzivno provode istražne radnje, u 2 predmeta je naloženo vještačenje, u 1 predmetu je raspisana potjernica, u 1 predmetu prijava nije riješena iz razloga bolesti osumnjičenog lica, a u 2 predmeta je istraga otvorena početkom 2015. godine.

U pogledu istraga koje nisu starije od tri godine, ovo Tužiteljstvo je riješilo ukupno 2246 takvih istraga i to: 692 istrage stare do 6 mjeseci, 1175 istraga starijih od šest mjeseci, 379 istraga starijih od jedne godine i 14 istraga starijih od dvije godine, dok je neriješeno ostalo ukupno 374 istrage sa starošću do tri godine i to: 270 istraga starih do šest mjeseci, 44 istrage sa starošću do jedne godine, 49 istraga starijih od jedne godine i 11 istraga starijih od dvije godine.

U pogledu prijava koje nisu starije od tri godine, ovo Tužiteljstvo je riješilo ukupno 2538 takvih prijava i to: 1402 prijave sa starošću do jedne godine, 889 prijava starijih od jedne godine i 247 prijava starijih od dvije godine, dok je neriješeno ostalo ukupno 1001 prijava sa starošću do tri godine i to: 781 prijava starih do jedne godine, 145 prijava starijih od jedne godine i 75 prijava starijih od dvije godine.

Navedene podatke prikazat ćemo i u tabelama:

RIJEŠENE PRIJAVE U TOKU 2014. GODINE

PERIOD	Do 1 godine	> 1 godine	> 2 godine	> 3 godine	> 4 godine	> 5 i više godina
KTPO	58	35	26	9	3	2
KT	1333	849	214	31	2	2
KTRZ	5	3	7	-	-	-
KTK	6	2	-	1	-	1
UKUPNO	1402	889	247	41	5	19

RIJEŠENE ISTRAGE U TOKU 2014. GODINE

PERIOD	Do 6 mjeseci	> 6 mjeseci	>1 godine	> 2 godine	> 3 godine	> 4 godine	> 5 i više godina
KTPO	12	22	14	1	5	-	1
KT	677	1149	364	11	2	2	2
KTRZ	0	4	1	2	-	-	-
KTK	3	-	-	-	-	-	-
UKUPNO	692	1175	379	14	7	2	5

NERIJEŠENE PRIJAVE NA DAN 31.12.2014.

PERIOD	Do 1 godine	>1 godine	>2 godine	>3 godine	>4 godine	>5 i više godina
KTPO	85	48	19	3	5	2
KT	694	97	56	16	3	2
KTRZ	0	0	0	0	0	0
KTk	2	0	0	0	0	0
UKUPNO	781	145	75	19	8	4

NERIJEŠENE ISTRAGE NA DAN 31.12.2014.

PERIOD	Do 6 mjeseci	Do 1 godine	>1 godine	> 2 godine	> 3 godine	> 4 godine	> 5 i više godina
KTPO	27	7	9	2	4	1	1
KT	234	34	40	7	5	2	1
KTRZ	6	3	0	2	-	-	-
KTk	3	-	-	-	-	-	-
UKUPNO	270	44	49	11	9	3	18

XIII - R E Z I M E

Zahvaljujući angažovanosti tužitelja koji su obavljali svoju funkciju u okviru zakonskih ovlaštenja, izvršavanjem zadataka postavljenih u okviru istraga, optuženja, žalbenog postupka, te preduzimajući mjere i radnje u cilju zakonitog, kvalitetnog, ažurnog i efikasnog rada, kao i doprinosu drugih uposlenika Tužiteljstva, postignuti su izuzetno dobri rezultati, koji su iskazani u ovom Izvještaju. Naročita pažnja poklanjala se provođenju istraga, prikupljanju relevantnih dokaza, te kvalitetu optužnica, tako da je zahvaljujući sveukupnom angažmanu postignut rezultat koji je očekivan.

Kao poseban uspjeh treba istaći postignuti kvalitet tužiteljskih odluka u procentu od 94 %, po podignutim optužnicama i prijedlozima za izricanje vaspitnih mjera i maloljetničkog zatvora, naročito što se ovakvi rezultati bilježe u kontinuitetu u posljednjih 9 godina, kao i postignutu bolju efikasnost u radu na predmetima iz oblasti ratnih zločina, privrednog kriminala i maloljetničkog kriminala, predmeta iz ranijih godina, što se vidi iz Izvještaja.

Tokom 2014. godine ovo Tužiteljstvo je ostvarilo kolektivnu normu od 110,75%, dok najveća pojedinačno ostvarena norma iznosi 158,53%, a najmanja 46,19%.

Glede kvaliteta rada Tužiteljstva u izvještajnom periodu, a shodno Kriterijima za ocjenjivanje rada tužitelja, može se reći da je isti bio na visokom nivou, obzirom da je Tužiteljstvo i sa znatno smanjenim kadrovskim kapacitetom uspjelo ostvariti kolektivnu normu od 110,75% i da se prema ostvarenim bodovima rad Tužiteljstva kvalificira kao izuzetno uspješan.

Tokom izvještajnog perioda od ukupno riješenih predmeta, sukladno Pravilniku o vremenskim okvirima za postupanje u predmetima u sudovima i tužiteljstvima u BiH, u predvidivom roku riješeno je 86% predmeta, a sa prekoračenjem predvidivog roka riješeno je 14% predmeta, dok je u optimalnom roku riješeno 1155 predmeta.

Takođe, u ovom izvještajnom periodu, od ukupnog broja neriješenih predmeta, 24% neriješenih predmeta je sa prekoračenjem predvidivog roka, a 76% neriješenih predmeta je bez prekoračenja predvidivog roka.

Prioritet u radu su imali: predmeti iz oblasti privrednog kriminala i korupcije, predmeti ratnog zločina, predmeti u kojima su osumnjičeni bili u pritvoru (55 punoljetnih lica i 1 maloljetno lice), te maloljetnički predmeti.

Ovo Tužiteljstvo je tokom izvještajne godine u potpunosti odgovorilo na sve zahtjeve javnosti u smislu blagovremenog i objektivnog obavještanja javnosti o aktivnostima Tužiteljstva, te se blagovremeno odgovaralo i na sve podnesene zahtjeve u skladu sa Zakonom o slobodi pristupa informacijama FBiH, iako je od 01.08.2014. godine, imenovanjem portparola Tužiteljstva na poziciju kantonalnog tužitelja, mjesto državnog službenika za odnose s javnošću ostalo upražnjeno.

Posebno treba istaći da su u izvještajnoj godini nastavljene aktivnosti na uređenju Arhiva Tužiteljstva, te su poduzete sve mjere u skladu sa Zakonom o arhivskoj građi Federacije BiH.

Ovo Tužiteljstvo je i tokom 2014. godine, kao i dosada, a s ciljem jačanja tužiteljskih kapaciteta u krivično-pravnom sistemu, poduzimalo aktivnosti za usvajanje dvadeset standarda u oblasti upravljanja tužiteljstvima, odnosno Matricu evropskih standarda, u saradnji sa VSTV-om, USAID-ovim JSDP II projektom i švicarskim projektom "Podrška pravosuđu u BiH - osnaživanje tužitelja u krivičnopravnom sistemu". Ovo Tužiteljstvo je, za ostvarene rezultate u obje provedene faze implementacije Standarda tužiteljske uprave od USAID JSDP II projekta, dobilo donaciju u iznosu od 18.331,06 američkih dolara, koja sredstva su iskorištena za nabavku potrebnog materijala.

Tužiteljstvo je u završnom bodovanju zauzelo visoko treće mjesto, iako je, zbog smanjenih kadrovskih kapaciteta, samo nekoliko uposlenika Tužiteljstva bilo neposredno angažovano na realizaciji svih projektnih zadataka, te je projekat na završnoj konferenciji ocijenjen izuzetno uspješnim.

XIV - PLANIRANE AKTIVNOSTI ZA NAREDNU GODINU

Da bi se postigao bolji rezultat u 2015. godini, bit će potrebno poduzeti mjere i aktivnosti koje će dovesti do postizanja tog cilja i to:

- Održati i povećati dostignuti stepen efikasnosti i kvaliteta u radu, posebno u rješavanju predmeta privrednog kriminala i koruptivnih krivičnih djela, predmeta ratnog zločina, te predmeta iz ranijih godina,
- Raditi na poboljšanju uslova rada u Tužiteljstvu povećanjem prostornih kapaciteta,
- Popunjavanje tužiteljskih pozicija prema Odluci VSTV-a o povećanju broja istih, za četiri nova tužitelja,
- Popunjavanje radnih mjesta državnih službenika i namještenika prema odobrenom Pravilniku, prije svega stručnih suradnika,
- Uspostavljanje Odsjeka za rad sa maloljetnim izvršiteljima krivičnih djela i krivičnih djela u kojima su oštećeni djeca ili maloljetnici,
- Usavršavanje TCMS-a i prilagođavanje stvarnim potrebama rada u Tužiteljstvu, te efikasnijem vođenju svih evidencija,
- Kontinuirano stručno, te informatičko usavršavanje tužitelja i drugog osoblja,
- Praćenje i rad u skladu sa Pravilnikom o orjentacionim mjerilima za rad tužitelja u tužiteljstvima u Bosni i Hercegovini,
- Praćenje i rad u skladu sa Pravilnikom o vremenskim okvirima za postupanje u predmetima u sudovima i tužiteljstvima u BiH i Odlukom o predvidivim rokovima,
- Praćenje i rad u skladu sa Kriterijima za ocjenjivanje tužitelja u BiH.

GLAVNI TUŽITELJ
Vesna Kaknjo

